

**Oqaasiliortut ataatsimiinnerannit imaqarniliaq
Tallimang. oktobarip 21-anni 2011, nal. 10.00 Ilimmarfimmi /
Oqaasileriffimmi.**

Peqataasut: *Carl Chr. Olsen, Stephen Heilmann, Eva Møller Thomassen, Lotte Holm.*

Oqaluuserisat:

1. Tikilluaqqusineq aamma ilisimatitsissutit
2. Kingullermik ataatsimiinnermit **imaqarniliap akuerisassatut saqqummiunnera**
Imaqarniliaq *akuerineqarpoq.*
3. *Seniorbruger* kalaallisut (09.09.2011 + 18.10.2011)
Saaffiginnittumit paasissutissat tiguneqarput, naak amigarsorineqaraluarlutik sulii, Taamaattoq Oqaasiliortut siunnersuutigaat *atuisoq pingaarneq* imalt. *misilittagartooq* atorineqarallarsinnaasut.
4. *Ilerasuutigaakka – Ernumagaakka – Uisanguserneq* (09.09.2011)
Akissutissamut missingersuusuaq *akuerineqarpoq.*
5. **Sundhedshjælper:** *Peqqissaanermi ikiorti*
Sundhedsassistent: *Peqqissaanermi assistenti*
Peqqissaanermik *Ilinniarfik.* (07.10.2011)
Siulittaasup allaganngorlugu akissutaa tusaatissatut tiguneqarpoq qulaanilu allassimasut atorineqassasut aalajangiunneqarluni.
6. Oqaaseq **Ombudsmand** (13.10.2011)
Oqaasiliortunut ilaasortat ilisimatitsippat taaguut svenskisooq taanna marloqiusanik isumaqartillugu kalaallisut atorineqartoq: 1. Naalagaaffiup Sinniisua (Rigsombudsmand), 2. Inatsisartut ombudsmandiat.

Oqaasiliortunut ilaasortat eqqaavaat ombudsmand oqaasersiatut atugaareersoq kalaallisuunngortinnissaalu siunertarineqanngitsoq.

7. Oqaaseq **straffeattest** (13.10. 2011)

Oqaasiliortut aalajangerput *straffeattest* kalaallisut imaassasoq:

Pineqaatissinneqarsimannginnermik uppernarsaat.

Taamatullu *børneattest* imaassasoq:

meeqqanik innarliisimannginnermik uppernarsaat.

8. Oqaaseq **Qerinnarpoq**

Oqaasiliortut aalajangerput *frysepunkt* aamma *0 grader* pineqartillugit

oqaaseq una atorreqartassasoq: *qerinnarfik*, s.i. *issisiut qerinnarfiup*

nalaaniippoq. Ilaasortat ilisimavaat sumiorpaluutini ippigineqartaraluartoq atorlugu sungiunneqarsinnaasoq.

9. **Børnepanel** (05.10.2011)

Oqaasiliortunut ilaasortat aalajangerput ima kalaallisut taaguuteqassasoq:

Meeqqanut [sinneisutut] isummersoqatigiiffik.

10. **Vippeistol** (05.10.2011)

Oqaasiliortunut ilaasortat aalajangerput kalaallisut ima taaguuteqassasoq:

Ukamarfik.

11. **Grønlands Nationalbibliotek** (05.10.2011)

Siulittaasup saaffiginnittumut allaganngorlugu akissusiarisimasaa

tusaatissatut tiguneqarpoq akuerineqarporlu: *Nunatta Atuagaateqarfia*

.

12. **Administrations-website & administrator** (03.10.2011)

Oqaasiliortunut ilaasortat isumaqarput taaguutit pineqartut qulaaniittut

sukumiisumik isummerfigineqassappata *suli misissueqqittoqartariaqartoq.*

13. **Ilisimatusarfiup rektoriata taaguutinut ikioqqussutai**
(17.11.2011)

Rektorip allakkamini ujartugaa oqaaseq *korrupt* Oqaasiliortunit

aalajangerneqarpoq kalaallisut imaassasoq: *Peqquserlunnikkut*

iluanaarniaq. Oqaatsit kalaallisuunngortitassatut suliakkiunneqarsimasut

suleqatigiit taakku kalaallisut taaguuserlugit nassuiaaserlugillu

siunnersuusiorfigereerunikkit akuerisassanngorlugit Oqaasiliortunut nassiuteqquneqassapput.

14. ***Kuisittoortut atualersoortut (19.11.2011)***

Oqaasiliortunut ilaasortat isumaqarput saaffiginnittoq akineqassasoq uiguutit taakku *-toortut, -soortut* sumiorpaluutit iluanni atorneqareersut sumiorpalunnertullu akuerisariaqartut.

15. ***Havets herlighedsværdi (19.11 2011)***

Oqaasiliortunut ilaasortat qulaani pineqartoq tulliani ataatsimiinnissamut isummerfigineqartussanngorlugu kinguartikkallarneqassasoq.

16. ***Nunatsinni aalisakkat taaguutaat***

Siulittaasoq ilisimatitsivoq Kalaaliaqqami sulisumik oqaloqateqareernerup kingorna aalajangersimalluni Nunatsinni aalisakkat pisarineqarlutillu tuniniarneqartartut kalaallisut, qallunaatut, tuluttut latinerisullu nalunaarsorneqassasut. Soorlu arferit naasullu aqqi ilanngullugit siusinnerusukkut plakatiliortoqarsimasoq. Suliniutip aallartinnerata siunertaraa Nunatsinni aalisakkat nalinginnaanerusut assitalerlugit plakatiliarineqassasut, takornarianut innuttaasunullu atorneqarsinnaasunik. Tamanna anguniarlugu Ilinniuserfik takornarianillu sullissisut suleqatiserineqalersaarput.

17. ***Taasariaqartut allat***

-Oqaatsitigut teknologimi suliat pillugit ilisimatitsissutit

Oqaasileriffimmi oqaatsitigut teknologimik suliat assigiinngitsunit ingerlanneqartut pillugit siulittaasoq ilisimatitsivoq, ilaat Per Langgårdimit, Jens Erlandsenip suleqatigineranit, aamma Ilinniuserfik suleqatigalugu Pia Jarvadip Jerrold D. Sadockip Lenore Grenobleillu suleqatiginerannit ingerlassat assigiinngitsut nassuiaatigineqarput.

Velux fondimit aningaasaliissutit atorlugit Beatrine Heilmannip atorfiata saniatigut inuttassaaleqissussineqarpoq. Marlunninngooq piukkunnartoqaraluarpoq, taamaattoq taakku ilinniarnerminnik naammasseqqaarusullutik unnersimapput.

Kukkuniiaat-ip tullissaa qangali piareeqqagalarpoq, taamaattoq Nordisk Sprogmoder ingelanneqarnissaa salliutinneqarsimammat Kukkuniiatip aningaasalersorneqarnissaa aappaagu januaari qaammat aallarnerfigalugu aningaasalersorneqassasoq siulittaasoq ilisimatitsivoq. MAC-imut ikuunneqarsinaalernissaa Tino Didriksenip maanna misissoraa aamma ilisimatitsissutigineqarpoq.

Ordboginut suliat pillugit maanna suleqatigineqartut tassaapput *Jerry Sadock* aamma *Pia Jarvad* kalaallisuumiit tuluttuumut kalaallisuumullu ordbogissaq oqaatsinik 20.000-inik imalinnik peqartussaq. Aamma *Jens Erlandsen* mobilinut androidinut ikkussap ineriartortinneqaqqinneranut suleqatigineqarpoq. Oqaatsit nalunaarsorsimasat akuerineqarsimasullu ilanngussuunnissannut ilinniartutut sulitinneqalersimavoq *Marianne Hansen*. Taassumap aamma Erik Fleischerip oqaatsit qarasaasiamut immiussuussimasai aamma ilanngussortussaavai. Aalajangerneqarpoq synonymordbogi *OQAASERSIORFIK – kalaallisut oqaatsit isumaat allannissaallu* Ilinnisiorfimmit 2008-mi suliarineqarsimasoq Oqaasiliortut ilaasortaannut peqanngitsunut agguanneqassasoq.

Nunat aqqi Tunumi nalunaarsukkat pillugit Nunat Aqqinik Akuersisartut ataatsimiinnerminni aalajangersimapput allattaaseq pillugu tunngaviusumik isummertoqarnissaa kissaatiginarmat Oqaasiliortunut qanoq iliuuseqartoqarnissaa pillugu suliaasaq ingerlateqqinneqassasoq. Oqaasiliortunut ilaasortat aalajangerput nunat inuillu aqqi qanoq allanneqartarnissaat pillugu tunngavissanik misissuisoqassasoq. Tassani qanoq allanissamik isumaqatigiissutit (konventioner) naapertorlugit aallaavissat suunersut aalajangiunneqassapput. Allattaatsimik qanoq ittumik atuisinnaaneq isumaqatigiissutigineqarsinnaappat tamanna tunaartarineqarsinnaasoq siulittaasup aamma ilisimatitsissutigaa. Taamatuttaaq siulittaasup tulliata nunat allat sumiorpaluutinik

assigiinngitsunik atuiffiusut qanoq periaaseqarnersut
misissuiffigineqassasut siunnersuutigaa.

Allattaatsip maanna atukkatta nipisiuineq aallaaviginagu nipit
isummamut allanngoraataasut atorlugit allattaasiliaanera (fonemisk)
kingumut uterneqarpoq. Sumiorpaluutit kitaata qeqqarmiuunngitsut
pillugit allannermi assigiinnerusumik periaaseqalernissaq
anguniarlugu naaperiaasoqartarsimasoq aamma eqqaaneqarpoq.

LHO-p agguateqqusani *Profiling af østgrønlandsk kultur -
anbefalinger* eqqartorjaa, ingammik q. 13-imiit 16-imut oqaatsinut
tunnngassutillit. Innersuussutit tamarmik politikikkut
akuerineqarsimagaluartut ajoraluartumik
malersorneqaqqissimanninnerat ajuusaarutigaa. Innersuussutit
ilagaat politikikkut kissaatigineqartoq Oqaasileriffik sumiorpaluutit
allanneqartarnerannut ilitsersuutinik suliaqassasoq.

Naggataatigut allattaagallartoq ilisimatitsivoq Katti Frederiksen
novembarip aallaqqaataaniit sulilissasoq Oqaasiliortunullu allattaanini
nangeqqissagaa.

- NORNA, Nordisk Samarbejdskomite for navneforskning 15. kongres
2012 (piffissaalatsineq pillugu qulequtaq taanna tikinneqanngilaq)

Inussiarnersumik inuulluaqqusilluta

Carl Chr. Olsen
Siulittaasoq

Nuka Møller
Allatsi